

## OZNAKA ENERGETSKE EFIKASNOSTI ZA IZVORE SVJETLOSTI

**1. Oznaka energetske efikasnosti**

Ako je izvor svjetlosti namijenjen za stavljanje na tržište putem prodajnog mjesta, na spoljnu stranu pojedinačne ambalaže prikazuje se oznaka koja sadrži informacije navedene u ovom prilogu.

Dobavljači biraju oblik i izgled oznake naveden u tač. 1.1 i 1.2 ovog priloga.

Oznaka ima sljedeće karakteristike:

- oznaka standardne veličine je širine najmanje 36 mm i visine 75 mm; ili
- oznaka male veličine (širine manje od 36 mm) je širine najmanje 20 mm i visine 54 mm.

Ambalaža proizvoda ne smije biti manja od 20 mm širine i 54 mm visine.

Ako se oznaka štampa u većem formatu, njen sadržaj treba da ostane proporcionalan navedenim dimenzijama. Oznaka male veličine ne smije seupotrebljavati na ambalaži širine 36 mm ili veće.

Oznaka i strelica koja pokazuje klasu energetske efikasnosti mogu se štampati monohromatski, kako je navedeno u tač. 1.1.i 1.2 ovog priloga, samo ako su sve druge informacije, uključujući grafike, na ambalaži štampane monohromatski.

Ako oznaka nije štampana na dijelu ambalaže vidljivom potencijalnim kupcima, strelica koja sadrži slovo klase energetske efikasnosti prikazuje se u boji strelice koja odgovara slovu i boji energetske klase, a u skladu sa Slikom 1. Oznaka treba da bude odgovarajuće veličine da se može jasno vidjeti i pročitati. Slovo strelice klase energetske efikasnosti treba da bude u podebljanom fontu Calibri, smješteno u sredini pravougaonog dijela strelice, sa obrubom debljine 0,5 pt u 100 % crnoj boji oko strelice i slova klase efikasnosti.

Slika 1: Lijeva/desna strelica, na dijelu ambalaže vidljivom kupcima




U slučaju zamjene oznake na proizvodu, oznaka sa promijenjenom vrijednošću treba da ima oblik i veličinu tako da omogućuje prekrivanje stare oznake i pričvršćivanje na nju.


1.1 Oznaka standardne veličine data je na Slici 2 i 3:

Slika 2: Oblik i sadržaj oznake standardne veličine za proizvoda koji se nalaze u EPREL bazi

Oznaka standardne veličine data je na Slici 3:




Slika 3: Oblik i sadržaj oznake standardne veličine za proizvoda koji se ne nalaze u EPREL bazi




1.2 Oznaka male veličine data je na Slici 4 i 5:

Slika 4: Oblik i sadržaj oznake male veličine za proizvoda koji se nalaze u EPREL bazi



Slika 5: Oblik i sadržaj oznake male veličine za proizvoda koji se ne nalaze u EPREL bazi




1.3 Oznake za izvore svjetlosti sadrže sljedeće informacije:


- I. ime ili zaštitni znak dobavljača;
- II. identifikacionu oznaku modela dobavljača;
- III. skalu klase energetske efikasnosti od A do G;
- IV. potrošnju energije, izraženu u kWh potrošnje električne energije izvora svjetlosti za 1 000 sati u uključenom stanju;
- V. QR kod za proizvoda koji se ne nalaze u EPREL bazi, a koja se odnosi na pružanju informacija o energetske efikasnosti proizvoda;
- VI. klasu energetske efikasnosti u skladu sa Prilogom 6;
- VII. broj propisa Evropske unije.

2. Izgled oznake energetske efikasnosti
- 2.1 Oznaka standardne veličine data je na Slici 6 i 7:

Slika 6: Izgled oznake standardne veličine za proizvoda koji se nalaze u EPREL bazi




Slika 7: Izgled oznake standardne veličine za proizvoda koji se ne nalaze u EPREL bazi




## 2.2 Oznaka male veličine proizvoda data je na Slici 8 i 9:

Slika 8: Izgled oznake male veličine za proizvoda koji se nalaze u EPREL bazi



Slika 9: Izgled oznake male veličine za proizvoda koji se ne nalaze u EPREL bazi



### 2.3 Pri čemu:

- dimenzije i specifikacije elemenata na oznaci prikazane su kako je navedeno u tački 1 Priloga 1, za oznaku standardne veličine i za oznaku male veličine za izvore svjetlosti;
- pozadina oznake je 100 % bijela;
- fontovi su Verdana i Calibri;
- boje su CMYK – cijan, magenta, žuta i crna, kao u sljedećem primjeru: 0-70-100-0: 0 % cijan, 70% magenta, 100 % žuta, 0 % crna;
- oznake treba da ispunjavaju zahtjeve iskazane putem brojnih oznaka na Slici 4 i Slici 5:

#### 1 boje logotipa EU su:

- pozadina: 100,80,0,0,
- zvijezde: 0,0,100,0;

#### 2 boja logotipa energije je: 100,80,0,0;

#### 3 ime dobavljača je 100 % crne boje u podebljanom fontu Verdana veličine 8 pt, odnosno 5 pt (oznaka standardne odnosno male veličine);

#### 4 identifikaciona oznaka modela je 100 % crne boje u fontu Verdana uobičajene debljine i veličine 8 pt, odnosno 5 pt (oznaka standardne, odnosno male veličine);

#### 5 skala od A do G je kako slijedi:

- slova skale energetske efikasnosti su 100 % bijele boje u podebljanom fontu Calibri veličine 10,5 pt, odnosno 7 pt (oznaka standardne, odnosno male veličine); slova su centrirana na osi 2 mm, odnosno 1,5 mm (oznaka

standardne, odnosno male veličine) od lijeve strane strelica;

— boje strelica skale od A do G su sljedeće:

- klasa A: 100,0,100,0,
- klasa B: 70,0,100,0,
- klasa C: 30,0,100,0,
- klasa D: 0,0,100,0,
- klasa E: 0,30,100,0,
- klasa F: 0,70,100,0,
- klasa G: 0,100,100,0;

- 6 pravougaoni obrub oznake i unutrašnje razdjelne crte debljine su 0,5 pt i 100 % crne boje;
- 7 slovo klase energetske efikasnosti je 100 % bijele boje u podebljanom fontu Calibri veličine 16 pt, odnosno 10 pt (oznaka standardne, odnosno male veličine). Strelica klase energetske efikasnosti i odgovarajuća strelica skale od A do G postavljene su tako da su njihovi vrhovi poravnati. Slovo u strelici klase energetske efikasnosti postavljeno je u sredini pravougaonog dijela strelice, koja je 100% crne boje;
- 8 vrijednost potrošnje energije je u podebljanom fontu Verdana veličine 12 pt; "kWh/1 000 h" je u fontu Verdana uobičajene debljine i veličine 8 pt, odnosno 5 pt (oznaka standardne, odnosno male veličine), 100 % crne boje;
- 9 QR kod je 100 % crne boje;
- 10 broj propisa Evropske unije je 100 % crne boje u fontu Verdana uobičajene debljine i veličine 5 pt.“